

SAKSPAPIR

Saksnr	Utval	Type	Dato
034/21	Heradsstyret	PS	07.04.2021

Saksbehandlar	ArkivsakID
Bente Skjerping	20/3116

Kommunesamanslåing - krav om ny handsaming av samanslåing med Bergen

Vedlegg:

Kommunesamanslåing

Rådmannen sitt framlegg til vedtak:

Rådmannen gjer ikkje framlegg i saka.

Heradsstyret - 034/21

HS - behandling:

Hjalti H. Gislason, H, gjorde slikt framlegg: "A. Osterøy heradsstyre vel å realitetshandsama innbyggjarinitiativet om kommunesamanslåing med Bergen.

B. Rådmannen skal førebu ei rådgjevande folkerøysting om samanslåinga som skal finna stad samtidig med Stortingsvalet måndag 13. september 2021.

Det innbyggjarane skal verta spurt er «Er du for eller imot at Osterøy kommune skal søkje samanslåing med Bergen kommune?» med svaralternativa «Eg er for» og «Eg er imot».

C. Rådmannen skal førebu ei sak om dei moglege konsekvensane av ei kommunesamanslåing med Bergen, og konsekvensane av å halde fram som eigen kommune, med vekt på økonomi, miljø, og folkehelse, i tillegg til konsekvensane for tenesteytinga i alle sektorar. Arbeidet med saksframlegget skal òg vere grunnlag for eit kunnskapsgrunnlag for innbyggjarane.

i. Grunna pandemien treng ikkje rådmannen halde fysiske folkemøte om ein mogleg kommunereform, men kan i staden gjere eit kunnskapsgrunnlag tilgjengeleg for innbyggjarane på kommunen si heimeside minst ein månad før folkerøystinga, og elles etter beste evne spre informasjon så breitt som mogleg,

ii. Rådmannen tek kontakt med Statsforvaltaren i Vestland, slik han inviterte til i møte 9. september 2020, om prosess for samanslåing og inkluderer desse opplysingane i saksgrunnlaget,

iii. Saksutgreiinga skal i størst mogleg grad byggjast på eksisterande kunnskapsgrunnlag som økonomiplanen, årsrekneskap osv. med eventuelt supplement frå Statsforvaltaren. Det skal ikkje tingast nye konsulentrapportar,

iv. Rådmannen skal bruka sak HS 043/16 «Framtidig kommunestruktur - vurdering av samanslåing med Bergen kommune» inklusive rådmannen si vurdering den gongen som kunnskapsgrunnlag.

v. Rådmannen skal også bruka rapporten i HS 053/20 «Drifts- og ressursbruksanalyse, Osterøy kommune» frå Telemarksforskning som kunnskapsgrunnlag,

vi. Rådmannen skal inkludere resultatet av den rådgjevande folkerøystinga i saksgrunnlaget,

vii. Rådmannen treng ikkje å kome med ei samla tilråding i saka, og

viii. Saka skal handsamast i fyrste heradsstyremøte etter at resultatet av folkerøystinga er kjent."

Framlegget vart trekt før avrøysting.

Henrik Øksnes, FRP, gjorde slikt framlegg: "Heradsstyret vel å realitetsbehandle saka."
Framlegget vart trekt før avrøysting.

Ordføraren gjorde slikt framlegg: "Saka vert ikkje teken opp til handsaming."

AVRØYSTING - handsaming av saka

Ordføraren sitt framlegg - fall med 22 røyster (1SP(L.Fjeldstad),1MDG,1V,3KRF,2SV,3AP,4H,7FRP)
mot 5 røyster (4SP,1AP(Ø.Litland))

Frode Flesland, SP, gjorde slikt framlegg: "Osterøy kommune søker ikkje samanslåing med Bergen kommune."

Alf T. Mortensen, FRP, bad om prøverøysting over framlegga frå SP og H.

PRØVERØYSTING

SP sitt framlegg - vedteke med 14 røyster mot 13 røyster.

H sitt framlegg - fall med 17 røyster mot 10 røyster

Tone Mjelde, SV, gjorde slikt framlegg: "1. Osterøy heradsstyre vel å realitetshandsama innbyggjarinitiativet om kommunesamanslåing med Bergen.
2. Rådmannen skal førebu ei rådgjevande folkerøysting om samanslåinga som skal finna stad samtidig med lokalvalet i 2023. Det innbyggjarane skal verta spurt er «Er du for eller imot at Osterøy kommune skal søkje samanslåing med Bergen kommune?» med svaralternativa «Eg er for» og «Eg er imot».
3. Rådmannen skal førebu ei sak om dei moglege konsekvensane av ei kommunesamanslåing med Bergen, og konsekvensane av å halde fram som eigen kommune, med vekt på økonomi, miljø, og folkehelse, i tillegg til konsekvensane for tenesteytinga i alle sektorar. Arbeidet med saksframlegget skal òg vere grunnlag for eit kunnskapsgrunnlag for innbyggjarane.
4. Rådmannen skal kome tilbake til heradsstyret om ei alternativ gjennomføring av folkeavrøysting før 2023, der dei økonomiske konsekvensane av dette blir belyst.
1. Det skal gjennomførast folkemøter og kunnskapsgrunnlag skal gjerast tilgjengeleg for innbyggjarane på kommunen si heimeside før folkerøystinga.
2. Rådmannen tek kontakt med Statsforvaltaren i Vestland, slik han inviterte til i møte om prosess for samanslåing og inkluderer desse opplysingane i saksgrunnlaget,
3. Saksutgreiinga skal i størst mogleg grad byggjast på eksisterande kunnskapsgrunnlag som økonomiplanen, årsrekneskap osv. med eventuelt supplement frå Statsforvaltaren. Det skal ikkje tingast nye konsulentrapportar,
4. Rådmannen skal bruka sak HS 043/16 «Framtidig kommunestruktur - vurdering av samanslåing med Bergen kommune» inklusive rådmannen si vurdering den gongen som kunnskapsgrunnlag,
5. Rådmannen skal også bruka rapporten i HS 053/20 «Drifts- og ressursbruksanalyse, Osterøy kommune» frå Telemarksforskning som kunnskapsgrunnlag,
6. Rådmannen skal inkludere resultatet av den rådgjevande folkerøystinga i saksgrunnlaget,
7. Rådmannen skal belyse administrasjonen sine vurderingar kring samanslåing, men treng ikkje kome med ei samla tilråing i saka.
8. Saka skal handsamast i fyrste heradsstyremøte etter at resultatet av folkerøystinga er kjent."

Framlegget vart trekt før avrøysting.

Henrik Øksnes, FRP, gjorde slikt framlegg: "Rådmannen skal førebu ei bindande folkerøysting om samanslåing. Denne skal finna stad ved lokalvalet i 2023. Alle innbyggjarar som har røysterett ved eit

kommuneval i kommunen skal ha høve til å røyste.

Følgande spørsmål skal røystast over: «Er du for eller imot at Osterøy kommune skal søkje samanslåing med Bergen kommune?» med svaralternativa:

- «Eg er for samanslåing med Bergen»
- «Osterøy skal stå for seg sjølve».

Det vert sett ned eit arbeidsutval med tre medlemmer frå heradsstyret, i tillegg til rådmannen.

Ordførar, varaordførar og ein representant frå det største opposisjonsparti skal utgjere utvalet.

Utvalet skal tinge med Bergen kommune om mogelege løysingar. Statsforvaltaren i Vestland må være involvert i prosessen, helst så tidleg som mogeleg.

Saka skal opplystast godt gjennom prosessen. Innbyggjarane må haldast orientert gjennom lokalmedia og nettsider. Folkemøter skal avhaldas fysisk når det opnast opp for dette.

Resultat av tinginga med Bergen kommune skal gjerast kjent for innbyggjarane i god tid før valdatoen.

Rådmannen tek kontakt med Statsforvaltaren i Vestland, slik han inviterte til i møte 9. september 2020, om prosess for samanslåing."

Framlegget vart trekt før avrøysting.

Trude Tomren, MDG, gjorde slikt framlegg: "1. Osterøy heradsstyre vel å realitetshandsama innbyggjarinitiativet om kommunesamanslåing med Bergen.

2. Rådmannen skal førebu ei rådgevande folkerøysting om samanslåinga som skal finna stad samtidig med lokalvalet i 2023.

Det innbyggjarane skal verta spurt er «Er du for eller imot at Osterøy kommune skal søkje samanslåing med Bergen kommune?» med svaralternativa «Eg er for» og «Eg er imot».

3. Rådmannen skal førebu ei sak om dei moglege konsekvensane av ei kommunesamanslåing med Bergen, og konsekvensane av å halde fram som eigen kommune, med vekt på økonomi, miljø, og folkehelse, i tillegg til konsekvensane for tenesteytinga i alle sektorar. Arbeidet med saksframlegget skal òg vere grunnlag for eit kunnskapsgrunnlag for innbyggjarane.

1. Rådmannen tek kontakt med Statsforvaltaren i Vestland, slik han inviterte til i møte 9. september 2020, om prosess for samanslåing og inkluderer desse opplysingane i saksgrunnlaget,

2. Saksutgreiinga skal i størst mogleg grad byggjast på eksisterande kunnskapsgrunnlag som økonomiplanen, årsrekneskap osv. med eventuelt supplement frå Statsforvaltaren. Det skal ikkje tingast nye konsulentrapportar,

3. Rådmannen skal bruka sak HS 043/16 «Framtidig kommunestruktur - vurdering av samanslåing med Bergen kommune» inklusive rådmannen si vurdering den gongen som kunnskapsgrunnlag,

4. Rådmannen skal også bruka rapporten i HS 053/20 «Drifts- og ressursbruksanalyse, Osterøy kommune» frå Telemarksforskning som kunnskapsgrunnlag,

5. Rådmannen skal inkludere resultatet av den rådgevande folkerøystinga i saksgrunnlaget,

6. Rådmannen treng ikkje å kome med ei samla tilråding i saka, og

7. Saka skal handsamast så snart som mogleg etter at resultatet av folkerøystinga er kjent."

Framlegget vart trekt før avrøysting.

Det vart halde pause i drøftingane frå kl. 22. 55 - kl. 23.00 med gruppemøte for SV og MDG

Tone Mjelde, SV, gjorde slikt framlegg: "Osterøy Heradsstyre vel å realitetsbehandle innbyggjarinitiativet ved å byrje å forberede ei folkeavrøysting. Rådmannen kjem tilbake i neste møte med vurderingar kring korleis dette kan gjennomførast. Heradsstyret bestemmer tidspunkt og prosess for folkeavrøysting i neste heradsstyremøte."

Henrik Øksnes, FRP, gjorde slikt framlegg: "Rådmannen skal førebu folkerøysting om samanslåing. Denne skal finna stad ved lokalvalet i 2023. Alle innbyggjarar som har røysterett ved eit kommuneval i kommunen skal ha høve til å røyste.

Følgande spørsmål skal røystast over: «Er du for eller imot at Osterøy kommune skal søkje samanslåing med Bergen kommune?» med svaralternativa:

- «Eg er for samanslåing med Bergen»
- «Osterøy skal stå for seg sjølve».

Det vert sett ned eit arbeidsutval med tre medlemmer frå heradsstyret, i tillegg til rådmannen. Ordførar, varaordførar og ein representant frå det største opposisjonsparti skal utgjere utvalet. Utvalet skal tinge med Bergen kommune om mogelege løysingar. Statsforvaltaren i Vestland må være involvert i prosessen, helst så tidleg som mogeleg.

Saka skal opplysast godt gjennom prosessen. Innbyggjarane må haldast orientert gjennom lokalmedia og nettsider. Folkemøter skal avhaldas fysisk når det opnast opp for dette.

Resultat av tinginga med Bergen kommune skal gjerast kjent for innbyggjarane i god tid før valdatoen. Rådmannen tek kontakt med Statsforvaltaren i Vestland, slik han inviterte til i møte 9. september 2020, om prosess for samanslåing."

AVRØYSTING

Frode Flesland, SP sitt framlegg - vedteke med 14 røyster (4SP,7FRP,2KRF (J.Skeidsvoll,B.Aarland),1AP(Ø.Litland))

mot 13 røyster (4H,3AP,2SV,1SP(L.Fjeldstad),1MDG,1V,1KRF(K.L.Mjøs))

Framlegga frå Tone Mjelde,SV og Henrik Øksnes, FRP, vart etter dette ikkje røysta over.

HS - vedtak:

"Osterøy kommune søkjer ikkje samanslåing med Bergen kommune."

Saksopplysningar:

Saksopplysningar:

Bakgrunn

Camilla Seim Mjelde, Haus, har teke initiativ til eit innbyggjarforslag om å ta opp samanslåing med Bergen kommune på nytt, sjå [Minsak.no](https://minsak.no). Forslaget har fått 194 underskrifter, sjå vedlegg. Minimumskravet er 164 underskrifter (2% av innbyggjarane). Framlegget er fremja med heimel i kommunelova § 12-1.

Heradsstyret plikter sjølv å ta stilling til framlegget innan seks månader etter at det er kome inn.

Framlegg, som blir fremja i medhald av kommunelova § 12-1, og som blir nedstemt i heradsstyret, kan berre påklagast dersom forvaltningslova eller anna lov gir klagerett.

I same valperiode kan det ikkje fremjast framlegg med same innhald som tidlegare innbyggjarframlegg, eller med same innhald som ei sak som er handsama av heradsstyret i løpet av valperioden.

Sak om kommunesamanslåing vart handsama i heradsstyret i førre valperiode, jfr. H-sak 043/2016 med vedlegg.

Vurdering

Etter rådmannen si vurdering tilfredsstiller forslaget om ny handsaming av sak om kommunesamanslåing dei formelle krava til innbyggjarframlegg. Heradsstyret må difor ta stilling til framlegget.

Folkehelse	-	ikkje vurdert i saka
Miljø	-	ikkje vurdert i saka
Økonomi	-	ikkje vurdert i saka

Konklusjon

Saka vert lagt fram for heradsstyret til handsaming og avgjerd.